

হোয়াইট হাউজের ইফতার পার্টিতে ইসলামিক ইন্সটিটিউটের পরিচালকের মোনাজাত পরিচালনা

ওয়াশিংটন, ২২শে অক্টোবর -- ইসলামিক ইন্সটিটিউটের পরিচালক ইমাম ঈদ সম্প্রতি হোয়াইট হাউজের ইফতার ডিনারে যে প্রার্থনা করেন তা নিম্নে প্রদত্ত হলো:

পরম করুণাময় ও দয়ালু আল্লাহর নামে শুরু করছি। সকল প্রশংসা আল্লাহর এবং হযরত মুহাম্মদ (সাঃ) উপর শান্তি ও রহমত বর্ষিত হোক।

সকল প্রশংসা আল্লাহর যিনি আদম ও হাওয়া থেকে আমাদের সৃষ্টি করেছেন এবং বিভিন্ন জাতি ও ভাষার ভিত্তিতে পৃথিবীতে আমাদের প্রতিষ্ঠিত করেছেন; যিনি তাঁর পবিত্র গ্রন্থে জাতিসমূহকে একে অপরকে জানতে প্রয়াসী হতে এবং একে অপরের সাথে শান্তিতে বসবাসে সচেষ্ট হতে বলেছেন।

হে সর্ব শক্তিমান আল্লাহ, পবিত্র রমজান মাসে আমেরিকান মুসলমান ও নেতৃবৃন্দকে একত্রিত করা এবং প্রেসিডেন্ট বুশের ও এই মহান জাতির অতিথি হওয়া ও সকলে একত্রে রোজা ভঙ্গা করার সুযোগ প্রদানের জন্য আমরা তাঁর কাছে কৃতজ্ঞ।

হে সৃষ্টিকর্তা, আমরা গত মাসে আমাদের জাতির উপর ১১ই সেপ্টেম্বরের সন্ত্রাসী হামলার পঞ্চম বার্ষিকী পালন করেছি। ঐ হামলায় মারা যাওয়া লোকজনের ও তাদের পরিবারের প্রতি শোক জানাতে আজ আমরা একত্রিত হয়েছি। আমরা তোমার দয়া প্রার্থনা করছি কেননা আমরা সেই সকল অগ্নিনির্বাপক ও পুলিশ কর্মকর্তাদের শ্রদ্ধা জানাই যারা ঐ মৃগ্য অপরাধ থেকে বেঁচে যাওয়া লোকজনের কষ্ট লাঘবে সহায়তা করেছিল। তারা বীর যাদের সাহসীকতার জন্য আমরা সর্বদাই স্মরণ করবো।

নিষ্পাপ লোকজনদের উদ্ধার করার প্রচেষ্টায় যারা প্রাণ দিয়েছে সেই সকল সাহসী ব্যক্তিদেরও আমরা স্মরণ করি। আর এসকল বীর হলেন দেশপ্রেমিক। যারা হত্যার জন্য প্রতিজ্ঞা তারা নন।

হে সর্ব শক্তিমান আল্লাহ, সহিংসতার সন্ত্রাসী কাজ বন্ধ, নিষ্পাপ লোকজনের কষ্ট ও দুঃখের অবসান এবং পৃথিবীতে আশা ও শান্তির বীজ ছড়াতে একত্রে কাজ করতে আমাদের সকলকে সাহায্য কর।

আল্লাহ সন্ত্রাসীদের শয়তানী কর্মকাণ্ড থেকে এই মহান জাতিকে রক্ষা কর এবং সকলের জন্য স্বাধীনতা ও ন্যায় বিচারের প্রতি অব্যাহত সমর্থনে জানাতে এই জাতির নেতৃত্বকে উদ্বুদ্ধ কর। এই সভায় উপস্থিত লোকজনসহ সকলের প্রতি আল্লাহর করুণা ও পুরস্কার বর্ষিত হোক। আমীন।

=====

**(ওয়ারশিংটন ফাইল যুক্তরাষ্ট্র পররাষ্ট্র দফতরের অফিস অব ইন্টারন্যাশনাল ইনফরমেশন প্রোগ্রামস-এর একটি প্রকাশনা।)*

জিআর/ ২০০৬

দ্রষ্টব্য: এই নিবন্ধের ইংরেজি ভাষা ‘আমেরিকান সেন্টার’-এ পাওয়া যাবে। যদি আপনি ইংরেজি ভাষাটি পেতে আগ্রহী হন, তবে ‘আমেরিকান সেন্টার’ প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই-মেইল: DhakaPA@state.gov এবং Website: dhaka.usembassy.gov এ যোগাযোগ করুন।